


Nefndasvið Alþingis  
Austurstræti 8 -10  
150 REYKJAVÍKDAGSETNING  
Reykjavík, 4. nóvember 2004  
TILVÍSUN  
2004100309  
G-ums 07/04**Umsögn um 159. mál, frumvarp til laga um breytingu á lögum um virðisaukaskatt.**

Í bréfi dagsettu 20. október 2004 óskar háttvirt efnahags- og viðskiptanefnd eftir umsögn ríkisskattstjóra um frumvarp til laga um breytingu á lögum um virðisaukaskatt, 159. mál. Fer hún hér á eftir.

Í frumvarpinu er lagt til að nýju ákvæði verði bætt við lög nr. 50/1988, um virðisaukaskatt, 5. gr. A, þess efnis að tvö eða fleiri skráningarskyld hlutafélög og einkahlutafélög geti fengið heimild skattstjóra til að vera samskráð á virðisaukaskattsskrá að ákveðnum skilyrðum uppfylltum. Ákvæðið er sambærilegt 55. gr. laga nr. 90/2003, um tekjuskatt og eignarskatt að því leyti að gert er ráð fyrir því að samskráning á virðisaukaskattsskrá taki til sömu aðila og samsköttun félaga skv. 1. mgr. 55. gr. laga nr. 90/2003 og að sambærilegum skilyrðum uppfylltum. Þó þannig að eðli málsins samkvæmt er gert ráð fyrir því að umsókn um heimild til samskráningar á virðisaukaskattsskrá berist skattstjóra fyrir upphaf fyrsta rekstrarárs sem samskráningu er ætlað að taka til, andstætt umsókn um samsköttun á tekjuskatti sem, skv. 2. mgr. 55. gr. laga nr. 90/2003, verður að berast skattstjóra eigi síðar en þrjátíu dögum fyrir lok framtalsfrests vegna þess tekjuárs sem óskað er eftir að samsköttun taki til.

Ríkisskattstjóri hefur kynnt sér frumvarpið, einkum þau atriði er varðað geta framkvæmdarlega þætti samskráningarinnar og hefur ekki fram að færa athugasemdir við efni þess.

Virðingarfyllst  
f. h. ríkisskattstjóra  
Sigurjón Högnason  
Guðrún Þorleifsdóttir